



Maršala Tita 25, 71000 Sarajevo

Broj: 150-15-4-1467-10 /21 MM  
Sarajevo, 03.08.2021. godine

Na osnovu člana 69. i člana 70. stav (1), stav (4) i (6) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i broj: UV-122-01-1-1045-11/21 od 28. aprila 2021. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

### **ODLUKU**

#### **o poništenju postupka javne nabavke usluga održavanja UPS-a za potrebe Filijale Centralne banke Bosne i Hercegovine na Palama – LOT 3**

##### Član 1.

Ovom odlukom se poništava postupak javne nabavke usluga održavanja UPS-a za potrebe Filijale Centralne banke Bosne i Hercegovine na Palama – LOT 3, iz razloga što su cijene dostavljenih ponuda identične.

##### Član 2.

Centralna banka će o rezultatima provedenog postupka javne nabavke obavijestiti ponuđače.

##### Član 3.

Za realizaciju ove odluke zadužuju se Odjeljenje za javne nabavke, Filijala Centralne banke Bosne i Hercegovine na Palama i Odjeljenje za računovodstvo i finansije Centralnog ureda Centralne banke Bosne i Hercegovine.

##### Član 4.

Ova odluka će se objaviti na web stranici Centralne banke Bosne u Hercegovine, [www.cbbh.ba](http://www.cbbh.ba), istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj 39/14).

### **O b r a z l o ž e n j e**

Postupak javne nabavke usluga održavanje agregata, UPS-a, opreme za alternativno napajanje, pokrenut je Odlukom, broj: 150-15-4-1467-2/21 MM od 30.06.2021. godine. U skladu s tim, Centralna banka je 02.07.2020. godine na portalu Javnih nabavki objavila Obavještenje o nabavci broj: 1370-1-2-303-3-193/21.

U predviđenom roku za dostavljanje ponuda za LOT 3, do 27.07.2021. godine do 10:00, blagovremeno su dostavljene dvije ponude ponuđača i to:

- REAP d.o.o. Istočno Sarajevo,
- ENERGOINVEST SISTEMI UPRAVLJANJA ENERGIJOM d.d. Sarajevo.

mm

fm

Komisija za provođenje postupka javne nabavke (u daljem tekstu: Komisija) je izvršila pregled i ocjenu ponuda i zaključila da pristigle ponude zadovoljavaju sve uslove tražene tenderskom dokumentacijom, s tim da su cijene dostavljenih ponuda identične.

Shodno mišljenju Agencije za javne nabavke, objavljenom na zvaničnoj web stranici, koje glasi: „U slučaju da je predviđena e-aukcija i da dva ili više ponuđača ponude identičnu početnu cijenu ponude, tada se svakako e-aukcija može zakazati. U slučaju da je u e-aukciji predviđen kriterij najniže cijene, tada svako obaranje cijene može ići samo ispod trenutno najniže cijene u toku e-aukcije. Dakle, nije moguće da se e-aukcija okonča sa dvije identične cijene, u slučaju kriterija najniže cijene. Međutim, može se desiti da su početne cijene identične i da tokom e-aukcije ne dođe ni do jednog obaranja cijena, ali se u tom slučaju postupak poništava obzirom da nije moguće izvršiti odabir. U slučaju kriterija ekonomski najpovoljnije ponude, cijene i u toku e-aukcije mogu biti identične obzirom da pored cijene i drugi elementi utiču na odabir najpovoljnije ponude“ sa navedena dva ponuđača je zakazana e-aukcija za dan 29.07.2021. godine. Po završetku e-aukcije, cijene dostavljenih ponuda su ostale identične jer nijedan ponuđač nije ponudio sniženje cijene.

Obzirom da nije moguće izvršiti odabir ponuđača u skladu sa kriterijem najniža cijena, postupak nabavke se poništava.

Komisija je Zapisnikom o pregledu i ocjeni ponuda, broj: 149-15-4-1573-8/21 i Izvještajem o radu sa preporukom, broj: 149-15-4-1573-9/21, oba od 30.07.2021. godine dala preporuku kao u dispozitivu ove odluke.


Cijeneći sve naprijed iznesene činjenice i okolnosti, odlučeno je kao u dispozitivu ove odluke.

#### **Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Filijala Pale;
- Ponuđačima (original)
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original).



mu

in